



Broj: Broj: 01-50-1-15-21/08.
Sarajevo, 13. 2. 2008.godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET. O b a v j e š t e n j e

Predstavnički dom Parlamentarne skupštine Bosne i Hercegovine održao je, 13.2.2008.godine, 21. sjednicu. Dom je, uz ostalo, razmatrao materijale koji su u nadležnosti i Doma naroda, kako slijedi:

1. Prijedlog zakona o izmjenama Zakona o odlikovanjima BiH (drugo čitanje);
2. Prijedlog zakona o Budžetu institucija Bosne i Hercegovine i međunarodnih obaveza BiH za 2008. godinu (prvo čitanje),
3. Prijedlog zakona o kretanju i boravku stranaca i azilu (prvo čitanje);
4. Prijedlog zakona o izmjenama i dopunama Zakona o Službi za poslove sa strancima (prvo čitanje);
5. Prijedlog modificiranih zaključaka u vezi s Informacijom o neovlaštenoj proizvodnji i stavljanju u promet opojnih droga u BiH u periodu 2005. i 2006. godina, s tendencijom za prvih šest mjeseci 2007. godine (podnosilac: Zajednička komisija za odbranu i sigurnost);
6. Izvještaj Državne komisije za reviziju odluka o naturalizaciji stranih državljana u BiH za period od 1.3.2006. do 31.12.2007.;
7. Prijedlog rezolucije o ubrzanju procesa pristupanja Bosne i Hercegovine u članstvo Evropske unije (predlagači: poslanici Denis Bećirović, Zlatko Lagumdžija, Jozo Križanović, Mirjana Malić, Selim Bešliagić i Sefer Halilović);
8. Imenovanje tri člana u Zajedničku komisiju oba doma radi usaglašavanja teksta Zakona o internoj reviziji u institucijama Bosne i Hercegovine;
9. Davanje saglasnosti za ratifikaciju:
 - a) Sporazuma o dugoročnom strateškom partnerstvu između Ministarstva sigurnosti BiH i Ženevskog centra za demokratsku kontrolu oružanih snaga (DCAF),
 - b) Protokola iz Kjota Okvirne konvencije Ujedinjenih naroda o promjeni klime, Kjoto 11.12. 1997. godine,
 - c) Osnovnog ugovora između Bosne i Hercegovine i Srpske pravoslavne crkve.

Ad . 1.

Dom je usvojio Zakon o izmjenama Zakona o odlikovanjima BiH u predloženom tekstu.

Ad . 2.

Prijedlog zakona o Budžetu institucija Bosne i Hercegovine i međunarodnih obaveza BiH za 2008. godinu usvojen je u prvom čitanju, uz sljedeći zaključak:

1. Zadužuje se Komisija za finansije i budžet da, u saradnji s Ministarstvom finansija i trezora BiH, u amandmanskoj fazi utvrdi Prijedlog budžeta koji će imati strukturu prihoda kako slijedi:

A/I. Prihodi sa JR UIO za finansiranje institucija BiH 675.000.000,00

SVEGA PRIHODI (A + B) 1.186.357,560,00 KM

2. Struktura rashoda uvažila bi i prijedloge Predsjedništva BiH u iznosima koje bi usaglasila Komisija za finansije i budžet s Ministarstvom finansija i trezora BiH, te resornim ministarstvima: Ministarstvom za ljudska prava i izbjeglice BiH, Ministarstvom civilnih poslova BiH i Ministarstvom vanjske trgovine i ekonomskih odnosa BiH.

Ad. 3. i 4.

Predstavnički dom, u prvom čitanju, usvojio je:

- Prijedlog zakona o kretanju i boravku stranaca i azilu i
- Prijedlog zakona o izmjenama i dopunama Zakona o Službi za poslove sa strancima.

Ad. 5.

Predstavnički dom usvojio je modificirane zaključke u vezi s Informacijom o neovlaštenoj proizvodnji i stavljanju u promet opojnih droga u BiH u periodu 2005. i 2006. godina, s tendencijom za prvih šest mjeseci 2007. godine, koje je, 25. 1. 2008., dostavila Zajednička komisija za odbranu i sigurnost. (Sadržaj zaključaka u podnesku Komisije – dostavlja se).

Ad. 6.

Predstavnički dom usvojio je Izvještaj Državne komisije za reviziju odluka o naturalizaciji stranih državljana u BiH za period od 1.3.2006. do 31.12.2007., sa Izvještajem nadležne komisije i zaključcima sadržanim u Izvještaju, uz dodatni zaključak koji je usvojen na prijedlog u raspravi, a koji glasi:

„Obavezuje se Direkcija CIPS-a da blagovremeno odgovori na pitanja, tj. dostavi podatke koje joj traži Komisija“.

Ad. 7.

Kako je u Domu naroda delegat Adem Ibrahimpašić predložio istovjetni tekst Rezolucije, obavještavam vas da je Predstavnički dom usvojio Rezoluciju o ubrzanju procesa pristupanja Bosne i Hercegovine u članstvo Evropske unije (predlagači: poslanici Denis Bećirović, Zlatko Lagumdžija, Jozo Križanović, Mirjana Malić, Selim Bešlić i Sefer Halilović), sa sljedećim amandmanima:

Amandman 1.

Iza stava 4. Rezolucije dodaje se stav 5. koji glasi:

„5. Parlamentarna skupština BiH u potpunosti je svjesna značaja i nužnosti ustavne reforme u BiH, koja treba početi odmah nakon potpisivanja Sporazuma o stabilizaciji i pridruživanju, kao jednog od najvažnijih preduslova za ubrzanje i punovažno članstvo u Evropskoj uniji.“

Dosadašnja tačka 5. postaje tačka 6. i pomjeranje se vrši redom.

Amandman 2.

Dosadašnja tačka 10., a nakon dodavanja nove tačke 5., tačka 11. Rezolucije mijenja se i glasi:

„11. Parlamentarna skupština Bosne i Hercegovine će, s ciljem ubrzavanja procesa evropskih integracija, u skladu s članom 30. stav (3) Poslovnika Predstavničkog doma i čl. 40. stav (2) i (3) Poslovnika Doma naroda, u taj proces uključiti predstavnike civilnog društva, nevladinih

organizacija, intelektualaca, kao i vladinih i nevladinih eksperata u određenim oblastima s teritorije cijele Bosne i Hercegovine.

Ad. 8.

U Zajedničku komisiju oba doma, radi usaglašavanja identičnog teksta Zakona o internoj reviziji institucija Bosne i Hercegovine, imenovani su: Sadik Bahtić, Lazar Prodanović i Velimir Jukić.

Ad. 9.

Predstavnički dom dao je saglasnost za ratifikaciju sporazuma iz ove tačke.

**PREDSJEDAVAJUĆI
PREDSTAVNIČKOG DOMA
dr. Milorad Živković**